

ciklusa univerzitetskog studija, gube pravo da apliciraju za sredstva definisana tačkom 1. člana 19. ovog Pravilnika.

Član 4.

Pravilnik o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj 18/10, 10/13 i 40/15), u ostalom dijelu ostaje neizmijenjen.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-2672-13/15
29. oktobra 2015. godine
Ilijaš

Zamjenik predsjedavajućeg
Općinskog vijeća Ilijaš
Mahir Dević, s. r.

OPĆINA NOVI GRAD SARAJEVO

Općinsko vijeće

Na osnovu čl. 44. i 47. Zakona o prostornom uređenju ("Službene novine Kantona Sarajevo", broj 7/05) i čl. 17. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad Sarajevo, na 31. sjednici održanoj 29.10.2015. godine, donijelo je

ODLUKU

**O USVAJANJU URBANISTIČKOG PROJEKTA
"INDUSTRIJSKA ZONA ZRAK"**

Član 1.

Usvaja se Urbanistički projekat "Industrijska zona Zrak" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana.
- Odluka o provođenju Urbanističkog projekta "INDUSTRIJSKA ZONA ZRAK"
- Tehnički opis

Grafički dio sadrži:

Grafički prilozi urbanizam:

1. Izvod iz Prostornog plana Kantona Sarajevo za period od 2003 do 2023 godine - urbanistički projekat "Industrijska zona Zrak"
2. Izvod iz Urbanističkog plana grada Sarajeva za period od 1986 - 2015 godine
3. Ažurna geodetska podloga 1:1000
4. Inženjersko geološka karta 1:2000
5. Postojeće stanje - namjena, kategorija i spratnost objekata 1:1000
6. Namjena površina 1:2000
7. Koncept prostorne organizacije 1:1000

8. Karta intervencija na objektima 1:1000
9. Plan građevinskih i regulacionih linija 1:1000

Grafički prilozi arhitektura

1. Tehnički opis
2. Skladište / magacin
 - osnova situacije 1:500
 - osnova partera 1:500
 - osnova prizemlja 1:250
 - presjeci 1:250
 - fasade 1:250
3. Proizvodna hala
 - Osnova situacije 1:500
 - Osnova partera 1:500
 - Osnova prizemlja 1:250
 - Osnova prvog sprata 1:250
 - Presjeci 1:250
 - Fasade 1:250
- Prostorni prikaz
- Idejno rješenje saobraćaja,
- Idejno rješenje snabdijevanja vodom i odvodnja otpadnih i oborinskih voda
- Idejno rješenje toplifikacije - gasifikacije
- Idejno rješenje elektroenergetike i javne rasvjete
- Idejno rješenje TK mreže
- Hortikultura

Član 3.


Po jedan primjerak ovjerenog Urbanističkog projekta nalazi se na stalnom javnom uvidu i čuva se u službi dokumentacije Općine Novi Grad Sarajevo i Zavodu za planiranje razvoja Kantona Sarajevo.




Član 4.



Ova odluka stupa na snagu osmog dana od dana objavljivanja u "Službenim novinama Kantona Sarajevo".



Broj 01-02-24432/15
30. oktobra 2015. godine
Sarajevo

Predsjedavajuća
Općinskog vijeća Novi Grad
Edina Gabela, s. r.









Na osnovu čl. 44. i 47. Zakona o prostornom uređenju ("Službene novine Kantona Sarajevo", broj 7/05) i čl. 17. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad Sarajevo, na 31. sjednici održanoj 29.10.2015. godine, donijelo je

ODLUKU

O PROVOĐENJU URBANISTIČKOG PROJEKTA "INDUSTRIJSKA ZONA ZRAK"

Član 1.

Ovom Odlukom utvrđuje se provođenje Urbanističkog projekta "INDUSTRIJSKA ZONA ZRAK" (u daljem tekstu: Plan), a naročito: granice prostorne cjeline, urbanističko-tehnički uslovi za izgradnju građevina, uslovi za izgradnju objekata i uređenje građevinskog zemljišta, uređenje zelenih i slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata polazi od tačke br. 1 koja se nalazi na parceli k.č. 3190, a ima koordinate $y=6529758$, $x=4857241$, potom produžava u pravcu sjeveroistoka idući planiranom saobraćajnicom (ne obuhvata je) preko parcela k.č. 3190, 3192/1, 3193, 3197, 3200, 3202/1, 3213, 3211, 3210, 3209, 3208/1, 3206/1, 4230, 4345, 2501, 142, 141, 140, 136, 134, 132, 129, 124, 2501, 113/1, 101/2, 112/5, 112/1, 112/3, 112/2, 105/1 i dolazi u tačku br. 2 koja se nalazi na parceli k.č. 105/1, a ima koordinate $y=6530538$, $x=4857850$. Granica obuhvata se lomi u pravcu jugoistoka, te jugozapada idući preko parcela k.č. 105/1, 2414, 2415, 2418/1, 2418/2, 2423/2, 2423, 2473, 2474, 2479, 2480, 2481, 2488, 2487, 2489, 4115/3, 2501/1, 4115/5, 2546/4, 2546/3 (koordinate prelomnih tačaka: br. 3 $y=6530593$, $x=4857776$; br. 4 $y=6530524$, $x=4857726$; br. 5 $y=6530472$, $x=4857679$; br. 6 $y=6530440$, $x=4857634$; br. 7 $y=6530400$, $x=4857600$; br. 8 $y=6530250$, $x=4857448$; br. 9 $y=6529993$, $x=4857282$) i dolazi u tačku br. 10 koja se nalazi na parceli k.č. 2546/3, potom skreće na sjeverozapad idući osovino planirane saobraćajnice i dolazi u tačku br. 1 odnosno do mjesta odakle je opis granice i počeo.

Sve gore navedene parcele se nalaze u K.O. Dolac i K.O. Novo Sarajevo IV, Općina Novi Grad i K.O. Novo Sarajevo I, Općina Novo Sarajevo.

Granice parcela preuzete sa digitalnog katastra općina Novi Grad i Novo Sarajevo.

Površina obuhvata iznosi $P=13,3$ ha.

Član 3.

U sklopu obuhvata ovog plana, definisane su sljedeće namjene:

A/POSLOVNO-PROIZVODNA	9,54 ha
B/STAMBENANAMJENA	0,66 ha
C/ZONADRUŠTVENE INFRASTRUKTURE	0,83 ha

Član 4.

Izgradnja na ovom području vršit će se na osnovu uslova utvrđenih ovim Planom.

Član 5.

Urbanističko-tehnički uvjeti za izgradnju građevina:

- Građevinske i regulacione linije date su u separatu Plana - Mreža građevinskih i regulacionih linija,
- Građevinska linija utvrđuje graničnu liniju objekta u odnosu na javnu površinu, saobraćajnicu, vodotok i druge objekte i ujedno označava liniju iskoličenja,
- Građevinska parcela obuhvata jednu ili više katastarskih čestica ili njihovih dijelova,
- Građevinska parcela mora imati minimum kolsko pješački pristup na ulicu, odnosno put, kao i mogućnost priključenja na komunalnu infrastrukturu,

- Preparcelacija se vrši tako, da se parcele utvrđene ovim planom, mogu udruživati ili usitnjavati na način da ona ni na kakav način ne utiče na susjedne parcele,
- Spratnost objekata utvrđena ovim Planom ne može se mijenjati,
- Nivelaciona kota prizemlja je min. 15 cm iznad kote pješačke saobraćajnice,
- Stacionarni saobraćaj riješiti u okviru pripadajuće parcele,
- Priključke na saobraćajnice i mrežu instalacija treba u svakom konkretnom slučaju posebno projektovati a u skladu sa Planom. Obavezno je projektovanje brojila za sve vrste instalacija i njihovo ugrađivanje za potrebe svakog potrošača,
- Javne površine (zelene površine, parkirišta, pločnici i sl.) ne mogu se zaposjedati drugim objektima i sadržajima,
- Pri izdavanju dozvole za građenje arhitektonskih objekata potrebno je pribaviti geološki nalaz i uslove temeljenja od stručnih institucija, a statički proračun mora se dimenzionirati za potrese najmanje 8° MCS skale.

Član 6.

Prema "Elaboratu o inženjersko-geološkim, geomehaničkim karakteristikama terena za potrebe izrade Urbanističkog projekta "INDUSTRIJSKA ZONA ZRAK" u Općini NOVI GRAD, potrebno je prije bilo kakvog izvođenja radova na ovom prostoru uraditi detaljna inženjersko-geološka i geomehanička ispitivanja u cilju davanja uslova sa aspekta nosivosti tla za izgradnju bilo kog objekta na ovom prostoru.

Član 7.

Intervencije na postojećim objektima:

- Za postojeće objekte koji se ovim Planom zadržavaju, kao i za naznačene devastirane objekte, predviđena je mogućnost rekonstrukcije, redizajna, dogradnje i nadogradnje na osnovu idejnog projekta, urbanističkog rješenja građevinske parcele i dostavljenog geotehničkog izvještaja.
- Postojeći objekti koji se zadržavaju ovim Planom, mogu se rekonstruisati, sanirati, redizajnirati, dograditi ili nadzidati za potrebe dobivanja proizvodno-poslovnog prostora u kojem se mogu obavljati samo djelatnosti koje ne ugrožavaju čovjekovu okolinu i standard života u susjednim zgradama.
- Objekat na kojem se vrši nadzidivanje mora zadovoljiti konstruktivno-seizmičke uvjete.
- Maksimalna spratnost iznosi $P+4$.

Član 8.

Uvažavati odredbe propisane Prostornim planom Kantona Sarajevo od 2003. do 2023. g. koje se odnose na zaštitu i unapređenje okoliša u Kantonu Sarajevo.

Član 9.

Na području Industrijske zone Zrak, mogu se obavljati one djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima u odnosu na djelatnosti koje se u njima vrše, kao i one djelatnosti koje podliježu uredbama iz Pravilnika o pogonima i postrojenjima koji mogu biti izgrađeni i pušteni u rad samo ako imaju okolinsku dozvolu ("Službene novine Kantona Sarajevo", broj 8/11).

Član 10.

Uredene zelene površine definisane su u separatu Hortikulture. Zelene površine se ne mogu koristiti za druge namjene, niti se mogu dozvoliti intervencije koje nisu u skladu sa funkcijama koje zelena površina treba ostvariti.

Tehnički prijem građevina podrazumijeva i prijem izvedbenih radova na uređenju zelenih površina.

Član 11.

Na području u granicama Plana, dozvoljeno je postavljanje ograda, na način da se ne zauzima prostor za pješake i da se u okviru ograđenog prostora omogući parkiranje i garažiranje.

Član 12.

Uređenje građevinskog zemljišta se mora izvesti u obimu i na način kako je to predviđeno ovim projektom. Izgradnja građevina ne može se započeti bez prethodno minimalnog uređenja građevinskog zemljišta pod čim se podrazumijeva obezbjeđenje saobraćajnog pristupa, priključenje na vodovodnu, kanalizacionu i elektroenergetsku mrežu, eventualnog izmještanja vodova komunalne infrastrukture.

Član 13.

U trokutu preglednosti saobraćajnica se ne može odobriti postavljanje reklamnih panoa, stubova i građevina, koje mogu ugroziti normalno odvijanje saobraćaja.

Uspostavljanje javnih pješačkih komunikacija izvan osnovne mreže saobraćajnica može se odobriti, s tim da se iste prilagode uslovima terena i osnovnim pješačkim tokovima.

Član 14.

Površine za parkiranje, odnosno garažiranje vozila utvrđene su Planom - faza saobraćaja. Investitor je dužan da obezbijedi površine za parkiranje i garažiranje na dodijeljenoj građevinskoj parceli prema važećim normativima.

U objektima koji se nalaze na višim kotama u odnosu na saobraćajnicu, minimum jedna etaža, potrebno je obezbijediti parkiranje i garažiranje u podzemnim i suterenskim etažama.

Član 15.

Izgradnja objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koji su u funkciji gradilišta unutar obuhvata ovog Plana.

Član 16.

Kod izrade tehničke dokumentacije i realizacije svih poslovnih i ostalih objekata, primjenjene konstrukcije moraju biti dimenzionirane za pojavu zemljotresa min. 8° MCS skale.

Član 17.

Nivelete pješačkih saobraćajnica, kao i prilazi i ulazi u građevine, moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 18.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", 21/05).

Član 19.

Na zaštitnim infrastrukturnim pojasevima i zaštićenim područjima nije dozvoljena izgradnja bilo kakvih objekata.

Član 20.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-24428/15
30. oktobra 2015. godine
Sarajevo

Predsjedavajuća
Općinskog vijeća Novi Grad
Edina Gabela, s. r.

Na osnovu člana 33. Statuta Općine Novi Grad Sarajevo ("Službene novine Kantona Sarajevo", br. 30/09 - Novi prečišćeni tekst) i člana 6. Odluke o dodjeli sredstava iz budžeta Općine Novi Grad Sarajevo u svrhu održivog povratka ("Službene novine Kantona Sarajevo", br. 28/09 i 15/11), Općinsko vijeće Novi Grad Sarajevo, na 31. sjednici, držanoj dana 29.10.2015. godine, donijelo je

ODLUKU

O IZMJENI ODLUKE O DODJELI SREDSTAVA IZ
BUDŽETA OPĆINE NOVI GRAD SARAJEVO U SVRHU
ODRŽIVOG POVRATKA U 2015. GODINI

U Odluci o dodjeli sredstava iz budžeta Općine Novi Grad Sarajevo u svrhu održivog povratka u 2015. godini, br. 01-02-16410/15 od 23.07.2015. godine /u daljem tekstu Odluka/ vrše se izmjene, kako slijedi:

Član 1.

U členu I. Odluke, u tabeli u kojoj su određeni korisnici pomoći, projekat kao predmet pomoći i iznos sredstava pomoći, mijenja se:

- tačka 6, u dijelu koji se odnosi na korisnika pomoći, tako da umjesto "MZ Strugačina", treba da stoji "Udruženje "Podrinje" Sarajevo",
- tačka 9, u dijelu koji se odnosi na korisnika pomoći i projekat pomoći, tako da umjesto korisnik pomoći "Sanacija drumskog puta Posestre / Rešetnica", treba da stoji "Omladinsko udruženje Srce 95", a umjesto projekat pomoći "Omladinsko udruženje Srce 95", treba da stoji "Sanacija drumskog puta Posestre / Rešetnica",
- tačka 17, u dijelu koji se odnosi na projekat pomoći, tako da umjesto "izgradnja štale", treba da stoji "kupovina stoke",
- tačka 18, u dijelu koji se odnosi na korisnika pomoći, tako da umjesto "MZ Bjelimići, podrožnica Rajac" treba da stoji "Općina Konjic",
- tačka 21, u dijelu koji se odnosi na korisnika pomoći i projekat pomoći, tako da umjesto korisnik pomoći "Udruženje Behar Sokolac", treba da stoji "Udruženje Behar Sarajevo", a projekat pomoći, umjesto "Izgradnja česme sa spomen obilježjem Sokolac", treba da stoji "Izgradnja česme sa spomen obilježjem na području Općine Olovo".

Član 2.

U členu II. Odluke, iza riječi "memorandum razumjevanja", dodaju se riječi "za izgradnju infrastrukturnih objekata".

Član 3.

Ova Odluka čini sastavni dio Odluke o dodjeli sredstava iz budžeta Općine Novi Grad Sarajevo u svrhu održivog povratka u 2015. godini, br. 01-02-16410/15 od 23.07.2015. godine koja u ostalim dijelovima ostaje neizmijenjena.

Član 4.

Ova Odluka stupa na snagu narednog dana od dana objavljivanja na Oglasnoj ploči Općine, a naknadno će se objaviti u "Službenim novinama Kantona Sarajevo".

Broj 01-02-24422/15
30. oktobra 2015. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/09 i 51/09) i člana 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst), Općinsko vijeće Novi Grad Sarajevo, na 31. sjednici održanoj 29.10.2015. godine, donijelo je